

Մ. Վրդ. Կիւլէսէրեան (այժմ կաթողիկոս Կիլիկիոյ) Վարդապետական աստիճանները Հայ Եկեղեցւոյ մէջ յօդուծաչարքին մէջ (Լոյս, 1906 էջ 1184), ուր փաստացի կ'ապացուցանէ թէ Առաքել Դաւրիժեցի վարդապետութիւնը և եպիսկոպոսութիւնը կ'անջատէ իրարմէ, և Գրիգոր Կեսարացի, ինչպէս կ'երևայ, իբր վարդապետ կը բանադրէ Նիկոյ եպոս.ը որ վարդապետական աստիճան չունէր և աբեղայ էր երբ եպիսկոպոս ձեռնադրուեցաւ :

Ամէն պարագայի մէջ հարկ է ըսել թէ Գրիգոր Կեսարացի սիրած է յաճախ կոչուիլ «Վարդապետ», վասնզի այն ժամանակներու համար վարդապետութիւնը իբր շքանորհի և իբր կարողութեան տիտղոս աւելի բարձր նկատուած էր և առանց վարդապետական աստիճան ստանալու եպիսկոպոսացողներ բազմաթիւ էին :

Ե.

ԻՐ ՊԱՅՔԱՐԸ Կ. ՊՈԼՍՈՅ ՄԷՋ

Գրիգոր Կեսարացի Սիսէն մեկնեցաւ 1602 Յունիս 28ին և եկաւ Կ. Պոլիս, իր աթոռը : Այդ օրերուն ինչպէս բովանդակ պետութիւնը նոյնպէս Կ. Պոլիս կը գլխաւորէր տազնապալից վիճակի մը մէջ, Օս-